



Br: 02-ML-14/25

Phoenix, AZ: 10. saffer 1477. god. po H.,

04. august 2025. godine

SVI DŽEMATI ISLAMSKE ZAJEDNICE BOŠNJAKA SJEVERNE AMERIKE

Predmet: Obavijest o organizaciji hadža 2026. godine,

Esselamu alejkum!

Ured za hadž Islamske zajednice u Bosni i Hercegovini objavio je informaciju o organizaciji hadža za 2026. godinu, te vam donosimo najvažnije informacije u ovoj fazi o kojima će hatibi u petak 8. augusta upoznati sve džematlije.

- Odlazak na hadž je planiran u periodu od 18. do 23. maja a povratak od 5. do 11. juna 2026. godine. Letovi će biti na relaciji Sarajevo - Džedda – Medina – Sarajevo. Hadžije iz Amerike su dužni sebi kupiti kartu za Sarajevo i nazad u planiranom periodu.
- Svi aplikanti mogu putovati samo sa bosanskim pasošem koji ne ističe prije 10. decembra 2026. godine. Ako pasoš ističe prije ovog datuma potrebno je čim prije izvaditi novi pasoš, najkasnije da se isti dobije u prvoj sedmici oktobra 2025. godine. Ako nemate važeći pasoš ili ističe uskoro, u aplikaciji ćete koristiti informacije iz starog pasoša koje će se prepraviti kada dobijete novi pasoš. Putnici su također obavezni da imaju potvrdu o vakcini **meningokokal meningitis**. Potvrda važi 5 godina, te ako je neko ranije primio vakcinu može iskoristiti tu potvrdu. Potvrda nije potreba za samu prijavu 11. augusta. Originalnu potvrdu čuvate sa sobom i nosite je na hadž. Ove godine ministarstvo hadža ograničava putovanja za osobe koje imaju: **zatajenje vitalnih organa, demenciju, trudnoća zadnja dva mjeseca, aktivni karcinom uz hemoterapiju ili zarazne bolesti**.
- Na hadž ne mogu putovati osobe **mlađe od 12 godina**, a broj mjesta je ograničen za osobe starije od 70 godina. S toga, od ukupnog broja aplikanta starijih od 70 godina, svega 7% prijavljenih će doći nared, što je uredba Ministarstva hadža Saudijske Arabije.
- Prijave će biti otvorene od 11. augusta 2025. godine u 8 sati ujutro po bosanskom vremenu (izračunajte koliko je to sati u vašem mjestu boravka) i zatvaraju se 29. augusta u 4pm po bosanskom vremenu. Link će biti dostupan na stranici (<http://www.hadzumra.ba>).
- **Prijave će se tretirati shodno vremenu prijave, od prvog prema zadnjem i drugim uvjetima navedenim u ovom dopisu.**
- Pored prijave za hadž, popunjava se formular za saudijsku vizu i ugovor sa Rijasetom IZ-e u BiH. Prilikom apliciranja iz Amerike birate u polju muftijstvo **DIJASPORA**, a u polju medžlis **IZB SJEVERNA AMERIKA**. Ako izaberete prijavu preko Bosne i Hercegovine birate muftijstvo i medžlis preko kojeg se prijavljujete.



Ako se prijavite preko Bosne i Hercegovine podliježete kvotama tog muftijstva i daljnji kontakt ostvarujete sa njima. U prijavi **OBAVEZNO** navodite informacije poput adrese i telefona u Americi, a ne iz Bosne i Hercegovine, ako odaberete da putujete preko IZB Sjeverna Amerika. Ako se unesu pogrešne ili lažne informacije aplikant će biti skinut sa spiska. Na primjer, ako unosite da ste iz Amerike a živite u BiH. Također, morate odgovoriti na pitanje da li ste član IZ-e. Tokom provjere, od džemata će se tražiti potvrda članstva. Ako se ustanovi da niste član bićete skinuti sa spiska. Ako se ipak desi greška u aplikaciji, istu ćemo moći popraviti na zahtjev aplikanta kada i ako ustanovi da je pogrešno odgovorio/la ne neka od pitanja.

- Prednost tokom prijava imaju osobe sljedećim redom: 1. Članovi IZ-e koji putuju prvi put na hadž. 2. Pripadnici IZ-e, to jeste nečlanovi koji putuju prvi put. 3. Članovi IZ-e koji putuju po drugi put ili više za sebe ili kao bedel. 4. Pripadnici - nečlanovi koji putuju drugi put ili više za sebe ili kao bedel.
- Osobe koje ne dođu na red 2026. godine imat će obezbijedena mjesta 2027. godine.
- Ministarstvo hadža će do polaska na hadž zahtijevati potvrdu od nadležne zdravstvene ustanove za svaku osobu da ne boluje od gore navedenih bolesti, te budite spremni da istu izvadite kada za to dođe vrijeme.
- Važno je napomenuti da svi koji se prijave na hadž, u zdravstvenom smislu, dužni su hadž obaviti bez pomoći Ureda za hadž i njegovog osoblja.
- Cijena hadža će biti naknadno objavljena kada bude formirana.
- Detaljne instrukcije možete pročitati na stranici Ureda za hadž Islamske zajednice u BiH na sljedećem linku: [Obavijest o početku prijava za odlazak na hadž 2026/1447. po Hidžri – Hadž i umra BiH](#)

Za sva dodatna pitanja budite slobodni da kontaktirate Ured za hadž IZBSA putem telefona 602-761-9881, opcija 2 ili putem e-maila: hadz@izbsa.com.

Mirnes Lemeš

Šef Ureda za hadž IZBSA

